

# Utikik ri ixim

*K'ulmatajem tzij*

**O**jer chik ri utikik ri ixim pa qulewal. Nim kkil wi rumal chi are' kqatij ronojel q'ij che qawa.

Rumal la' kch'ob' qawach pa nik'aj taq tinamit chik, rumal ujwinaq re ixim.

Chanim je'l utikik ri ixim pa we qatinimit chwimiq'in ja'. Are ri chak kab'an che ri utikik.





Kb'an jun tyoxinik che ri Ajaw, uk'ux kaj, uk'ux ulew, pwi' ri tiko'n. Pa ri ulew ja wi' katic wi ri ixim rech kwachin uwach. Je wa' kb'an che le utikik le ixim.

Utajixik ri ulew ruk' asarun.

Uchai'k ri ija'. Are' kacha'ik ri chomaq taq ja'l, ri suk'um uq'etal.

Utikik ri ixim, kya kan wuqub' ixim pa taq ri jul.

K'o ub'eyal wa'.

Jun ixim che ri meb'a knumik.

Jun ixim chike ri chikop kerapinik.

Jun ixim chike le nik'aj awaj chik.

Kajib' ixim che ri ajchoq'e.

Ukab' tikonik.

Kya' uchuq'ab' ruk' kimes awajib'.

Ub'anik aq'er, kya' ulew chirij ri raqan ri ab'ix.

Ub'anik ri kamul.

Ub'anik ri jach', kch'ol ri jal, ksa'ik, xuquje' kk'ol ri ja'l pa k'uja.

Floriana Yax  
San Francisco El alto, Totonicapán

